

Engongo Paufupi lyomusindalandu gwokuungaunga nomudhingoloko nonkalathano

Omusindalandu nguka gwokuungaunga nomudhingoloko nonkalathano (Environment and Social Management Framework (ESMF)) oyu na sha noproyeka tayi ithanwa *“Omulandu gwokukeelela omaipumomumwe gaantu niithitukuti nomiyonena hadhi longelwa iithitukuti momahala moka hashi holoka olwindji moNamibia”* (UNDP ID: PIMS 6303; GEF ID: 10200), tagu yambidhidhwa pashimaliwa kehangano lyo-Global Environment Facility. Oproyeka oyi li oshitopolwa shopolohalama yo-Global Wildlife, tayi unganekwa kOmbaanga yUuyuni. O-ESMF oya longekidhwa kOpolohalama yEhumokomeho yligwana ya Hanganana, melongelokumwe nomukuthimbinga-yambidhidhi, Uuministeli wOmidhingoloko nOmatalelopo.

O-ESMF ndjika oya longekidhwa shi ikwatelela komulandu gwomapekapeko pankalathano nopamudhingoloko (UNDP’s SESP) ngoka ga ningwa ongoshitopolwa shondondo yopetameko yoproyeka, noonkundathana ndhoka dha ningwa peha lyo-UNDP pethimbo lyondondo yokulongekidha oproyeka nomukuthimbinga-yambidhidhi nosho wo aakuthimbinga yalwe mepangelo, aakwashigwana nomahangano gokuhwahwameka uuthemba waakwashigwana.

O-ESMF oyi ikwatelela kokuungaunga nomashongo ga taalela oproyeka. Oya ndjandjukuruna omilandu ndhoka tadhi ka longithwa pethimbo lyetulomiilonga lyoproyeka, uuna taku ka ningwa omapekapeko ga gwedhwa po giilandulikozemo. Omilandu dhokuungaunga nomashongo otadhi ka tothwa mo nokunkondopekwa shi ikwatelela komisindalandu dho-UNDP dhi na sha nonkalathano nomidhingoloko (SES). Oya kwatela mo omilandu nomathaneko gokukeelela, nuuna itaashi wapa, okushonopeka nokupupaleka omashongo niilandulikozemo. O-ESMF oya thamuna omisindalandu niipumiwa-nakugwanithwa yopankalathano nopamudhingoloko nankene lipumbuwa-nakugwanithwa mbika yi na okugwanithwa po tashi pitile momilandu dhokuninga omapekapeko, dhokugandja ezimino, okupupaleka omashongo, nodhokutonatela nokugandja omishangwahokololo kombinga yomashongo niilandulikozemo ya pamba iilongadhalwa yoproyeka.

O-ESMF oya totha mo omilandu ndhoka tadhi ka landulwa pethimbo lyetulomiilonga nokumanitha omathaneko gewiliko shi ikwatelela kiizemo yo-SESP kombinga yomashongo omanene nomashongo ngoka ga tothwa mo. Omilandu odha kwatela mo Epekapeko lyilandulikozemo ya pamba onkalathano nomudhingoloko tayi etithwa koproyeka (Environmental and Social Impact Assessment (ESIA), Ondungedhiladhilo yokuungaunga nomudhingoloko nosho wo onkalathano (Environment and Social Management Plan (ESMP)), Ondungedhiladhilo yokuungaunga naakuthimbinga (Stakeholder Engagement Plan), Ondungedhiladhilo yokuungaunga naantu yomehala moka mu na oproyeka (Indigenous Peoples Plan (IPP)), nosho wo Omulandu gwokuungaunga nomanyenyeto (Grievance Redress Mechanism (GRM)).

O-ESMF oya ndjandjukuruna wo iilonga niinakugwanithwa ngele tashi ya petulomiilonga. Oya kwatela mo omutengenekotheneko gwelongitho lyimaliwa gwa ndjandjukurunwa muule, Ondungedhiladhilo yokutonatela nokukonakona, nomilandu dhiinakugwanithwa tayi ka longithwa mokuwilika omapekapeko ga pumbiwa noondungedhiladhilo dhokuwilika (lesha likupikwa).

Omulandu gwo-UNDP gwOmapekapeko gopankalathano nopamudhingoloko (Social and Environmental Screening Procedure (SESP)) ogwa totha mo omashongo 10 gopankalathano nopamudhingoloko ge na sha noproyeka ndjika: limwe lyomomashongo eshona, gaheyali oge li ngaa hwepo nagatatu omanene. Ondondoyelekanitho yondjele yomashongo yo-SESP otayi ulike “yi li pombanda”.

Omashongo omanene ongaashi:

- Aantu aavalelwamo, mwa kwatelwa aantu ya pumbwa eyambidhidho, otashi vulika kaaya kutha ombinga miinyangadhalwa yoproyeka, ye yi yambidhidhe, nenge kaaya mone mo uuwanawa washa.
- Aapatololi yokukeelela ukongo waa li paveta otashi vulika ya tule egameno lyaakalimo moshiponga ngele inaya dheulwa nawa nokutonatelwa.
- Oonakupatolola yokukeelela ukongo waa li paveta otashi vulika ya kale moshiponga kombinga yegameno uuna ya tsakanene naakongo yaa li paveta.

Omashongo ngoka ge li hwepo ga tothwa mo shi na sha noproyeka ongaashi:

- Omalelo gopaitopolwa nomahangano gomomidhingoloko otashi vulika ga kale itaaga wapa oku shi pondola okutula miilonga nokuunganeka iinyandhalwa yoproyeka.
- lilongadhalwa inaayi yelithilwa nawa noya tulwa miilonga nuunkundi otayi vulu okuyonagula omidhingoloko dha simana nokulundulula onkalo yiinamwenyo.
- lilongadhalwa nomikalo tadhi longithwa moproyeka otashi vulika dhi kale inaadhi kwatela mo meudhililo omayekele gaakulukadhi naanona yaakadhona notashi vulika wo dhi kale inaadhi shilipaleka oompito tadhi opalele dhekuthombinga lyawo nokumona uuwanawa.
- Eyopombanda kombinga yekalekepo lyooveta nomikalo omipe dhi na sha nomipumomumwe pokati kaantu niithitukuti nomiyonena hadhi longelwa iithitukuti otashi vulika dhi ngambeke aantu kaaya ye we mOmahala ga gamenwa, momahala ga nuninwa okugamena omudhingoloko noonzo, naashika otashi vulika shi etithe aantu ya kanithe uuhupilo nenge omalunduluko guuthemba waantu okukala ye na evi.
- lizemo yoproyeka otashi vulika yi kale ya gumwa nayi kiilandulikozemo ngaashi elunduluko lyuukwatya wonkalo yombepo mwa kwatelwa omuloka gu li pevi.

Ondokumende yoproyeka (yi li ashike melaka lyOshiigilisa) oya kwatela mo oshiholelwa sho-SESP shoka sha ndjandjukununa muule omashongo ga tothwa mo ga pamba omudhingoloko nonkalathano(Lesha Oshikupikwa mo-Prodco). Omashongo oge na sha ashike kiilongadhalwa yoproyeka 1, 2 nosho wo 3.